



服部文庫  
4 17  
2167  
2



1174特  
2167  
2



香山君墓誌銘

君諱永孝香山氏稱榮左衛門紀藩刈谷君允塞次  
 子紀國制自和歌山至江戸每七里置急足傳遞謂之七里役刈  
 谷君就役居遠江新居文政四年辛巳四月十日君生於此年十二從考役于  
 江戸十五為香山堅兵衛齋子養香山氏相模浦賀  
 与力也初寬文中以伊豆下田為海關置官吏有香  
 山半大夫君召為与力是為香山氏祖後享保中從  
 海關浦賀香山氏隨從堅兵衛君歿君又為與力天  
 保十四年癸卯革舊制食八十石嘉永六年癸丑六  
 月米利堅合眾國遣使來浦賀先是有飛語曰米使

當來君憂之謁港尹問之尹亦方憂之而未知虛實  
使君至江戶窺質諸有司有司告不以實至是應接  
甚苦君奔走周旋竟得了事有妬功者讒言竟興秋  
築明神崎砲臺命以見祿為舊筭舊制海關與力止  
其身不世祿歿之日有子堪事者則更召為与力否  
則不得為吏若其功劳超眾者以百苞祿為譜筭君  
之祿倍舊制者盖異數也明年正月米使復來請和  
親強梁不肯降將迫於江戶官吏代往說諭不聽於  
是政府復用君說爾乃相橫濱為應接地以得不迫  
於都下而和約亦成事具橫濱相土碑君前後多功

勞殆有驚人視聽讒言益興中道不復用賞亦不及  
而以其迹不可掩也四月召拜富士見寶藏番徒居  
江戶文久三年癸亥為步兵差圖役頭取勤方班小  
十人初君謂方今盡吾職莫如砲技入田付主計門  
究其術教授於浦賀而日新之技其法亦屬陳腐乃  
獲新器舶來者就洋書尋繹畧通新法後又入下曾  
根信敷門又究其術与同僚中島永胤建議更浦賀  
舊銃隊為新制及來江戶仍以教授故有命四月  
將築浪華川口砲臺命君監督君至浪華相其地勢  
不可上意見事遂寢元治元年甲子六月兼步兵組

改役加俸十五口會常野賊起據筑波山麓政府遣一軍討之君在遣中進至雲雀塚會戰八度頗有功而議論不合褫官得嚴譴而歸慶應三年丁卯復起為步兵差圖役頭取勤方維新之際藉静岡卜居東京巢鴨以桑茶為業明治十年四月三十日病歿年五十七葬於

配岡田氏生三男長永隆嗣永隆舊政府時予身實造同班富士見寶藏番為軍艦組今見為海軍大尉次實造出嗣內藤三郎右衛門家見為海軍造船所五等師季芳兩旧政府時為步兵差圖役並勤方今歸商君為人忠直果毅通曉

事務莫少阻滯不為苟合屢敗於讒志在以身殉國故躡而能起又長巧思嘗倣洋製造戰艦於浦賀寬永以後大艦之作以是為嚆矢云銘曰解紛導窾處險履坦以身殉國立言侃々禍福在天於我何瘳



